

Julene Berrojalbiz hil da, gerra osteko ikastolen sustatzailerik emankorrenetakoa

Besteak beste, aurrenengo ikastola legalizatua martxan jartzea lortu zuen

Julene Berrojalbiz Gernikan jaio zen 1923. urtean. Maistra ikasketak egin eta hezkuntza munduari eta euskarari eskaini zion bizitza osoa. Francoren diktadurapeko urterik latzenetan lan itzela egin zuen Bizkaiko ikastolen alde, eta hainbat ikastetxeren sortzaile eta sustatzailea izan zen. Euskarazko kazeta sortzearen alde ere gogor egin zuen lan 'Egunkaria Sortzen' taldean. Atzo, haren heriotza ezagutu bezain pronto, ezagutu zuten guztiak bat etorri ziren: «Langile nekaezina zen».

Arantxa Iraola / Donostia

HAINBAT urtetan pattalduta eduki duen gaisoaldiaren ondoren, Julene Berrojalbiz hil egin da. Gernikarra sortzez, 50. hamarkadan Bizkaiko ikastolen sorreraren alde gogoz aritu zen lanean. Hainbat ikastola sortu zituen, eta euskalgintzan lan arrunt emankorra egin zuen, besteak best, EUSKALDUNON EGUNKARIA-ren sorreran. Euskaltzaina zen eta erakunde honek maiatzean omenaldi bat egin zion. Aurretik, ikastolen esker onik beroena jaso zuen, 1992. urtean omenaldia eskaini baitzion Ikastolen konfederazioak. 1994. urteko Ibilaldian ere omenaldia jaso zuen, ikastolen sorrerako urte latzetan adiskide-min izan zuen Tere Rotaetxerekin eta Karmele Goñirekin batera. Ondo gogoan du Julene Berrojalbizen izaera Jesus Atxak, lankide



Julene Berrojalbiz, eskuinean, Antonio Camposen aldamenean.

ARTXIBOKOA

izan baitzuen Francoren diktadurapeko urte latzetan. «Emakume nekazina zen», dio. Hala, gogoan du, 50. hamarkada alde- ra, Bilbon estreinako ikastolek gairitu ezin zituzten mila nekeren aurrean berak eta beste hainbat emakumek azaldu zuten tinkotasun handia. «Besterik egin

ezin eta pisuetan hasi ziren eskolak ematen. Garai hartan Bilbon egongo ziren era honetako 20-30 bat etxebizitza». Mugimendu horretan gogoz aritu zen Julene. Estreinako saio haiek ere gogoan ditu Juleneren alaba Isabelek. «Gurekin batera hasi zen etxean...».

Aurrenengo ikastolen bultzatzaile haiek argi ikusi zuten, ordea, bide laburra egin zitekeela etxebizitza klandestino haietan. Hala, zentro berri haien legeztatzearen alde gogor lan egin zuten. Bizkaiko Ikastolen federazioan gogoan dute oraindik Julene Berrojalbizen ahalegin handia estreinako euskarazko zentro legeztatua lortzeko. «Zentro hura Resurrección Maria Azkue ikastola izan zen eta Bilboko Elkano kaleko 6.ean zegoen». Hura ere etxe partikular bat zen, Tere Rotaetxe andereñoaren etxea.

Haren legeztatzea lortzeko Madrilera joan behar izan zuten. Ez zen alferrikakoa izan bidaia hura. «Baimena ekarri zuten, autorización de clases en euskara izeneko baimena». Euskara irakastetik haratago, euskaraz irakasteko ateak zabaltu zituen baimen hark. Baimen hura lortzeko, Julene Berrojalbizekin batera Tere Rotaetxe eta Alfontso Irigoin joan ziren Madrilera.

Emakume «irekia» ● Jesus Atxak dioenez, arrunt emakume irekia izan zen Julene Berrojalbiz. «Diferentzien ginetik lanean zekien», dio. Izan ere, estreinako urte haiek latzak izan zirela dio Atxak, eta ez zela erraza izaten sarri askotan ikastetxe berri haiek eratzeko iritziak bateratzea. «Julene oso irekia zen, ordea», dio tinkotasunez.

La bizi osoa eskaini zion euskarazko irakaskuntzari. Maistra baino gehiago antolatzaile moduan jardun zuela dio alaba Isabelek. «Bizkaiko ikastolen antolatzailea izan zen». Besteak beste, Lauro ikastolako sortzaile eta zuzendaria izan zen. Alabak dio ia gaixotu arte lanean jardun zuela, «izan ere, oso langilea zen, eta gogorra». X

Iruñeko Abokatuen Elkargoan hauteskundeak izango dira azaroaren 20an

■ Zuzendaritza Batzordeko sei kide eta dekanoa aukeratuko dituzte

Europa Press / Iruñea

BOST zerrenda aurkeztuko dira datorren azaroaren 20an Iruñeko Abokatuen Elkargoan egingo diren hauteskundeetan. Atzo amaitu zen hautesle- en zerrendak aurkezteko epea. Zuzendaritza Batzordearen eraketa erabakiko da, eta hauteskunde ostean hautatutako kide asko lehen aldiz ariko dira batzorde horretan.

Bost zerrendaburuak hauek dira: Javier Caballero, Carlos Tamburri, Francisco Javier de Julian, Jose Luis Sanchez Gallipienzo, eta Javier Muro. Bost horien helburua da oraingo dekanoa, Angel Ruiz de Erentxun, ordezkatzea. Ruiz de Erentxunek azken 15 urteetan izan du dekanor ardurua.

Javier Caballero eta Carlos Tamburri ezagunak dira duela aste batzuetatik. Besteak, ordea, azken orduan aurkeztu dira zerrendaburu. Caballero Zuzendaritza Batzordeko idazkari izan da, eta Carlos Tamburri, berriz, bigarren diputatua. Biek utzi dituzte postu horiek dekanor izateko.

Zuzendaritza Batzorderako hauteskundeak bi urtez behin egiten dira, eta Batzordearen zati bat aldatzen da: Batzordean aritu gabeko sei kide hautatzen dituzte bi urtean behin. Nafarroako abokatu guztiek, 1500 abokatu baino gehiagok, botoa eman ahal izango dute, eta sei izen botatuenak izango dira Zuzendaritza Batzordeko kide berriak. X

Bost hautagai Bizkaiko Abokatuen Elkargoko dekanor kargua betetzeko

■ Hilaren 12an Elkargoko Batzarreko 14 kideetik 6 aukeratuko dituzte

Gorane Agirre / Bilbo

BOST hautagai aurkeztu dira Bizkaiko Abokatuen Elkargoko dekanor kargua betetzeko —Carlos Suarez-ek bete du azken hamabi urteetan—. Hilaren 12an egingo diren hauteskundeetan Elkargoko Gobernu Batzarra osatzen duten hamalau kideetatik sei aukeratuko dituzte Bizkaiko abokatuak.

Dekano ardura betetzeko hautagaiak ondoko abokatuak dira: Pedro Olabarria, Juan Infante, Ana Arce, Gabriel Mariscal eta Eduardo Escribano, gaur egungo dekanordea.

Bizkaiko Abokatuen Elkargoko dekanor kargua betetzeko hainbeste hautagai aurkeztu diren lehenbiziko aldia da oraingoa,

aurrekoetan gehienez bizpahiru hautagai aurkeztu izan baitira. Hilaren 12ko hauteskunde horietan, dekanoraz gain, Elkargoko Gobernu Batzarreko beste bost kide ere hautatuko dituzte Bizkaiko 4.070 abokatuak.

Bost urterik behin Abokatuen Elkargoak bere Gobernu Batzarreko kideen erdia berritzen du, hau da, zazpi kide. Oraingoa, berriz, dekanor eta Batzarreko bost kide hautatuko dituzte. Dekano kargua betetzeko hautagaiak baldintza gutxi batzuk bete behar badituzte ere, kide izateko halabeharrezkoa da abokatu bezala bi eta hamar urte bitartean jardun izana.

Era berean, aipagarria da «jardunean» dauden abokatuen botoek «jardunean ez» daudenen

botoen bikoitza balio dutela. Dena dela, Elkargoan izena emana duten 4.070 abokatuetatik 870 ez daude jardunean, besteak beste, abokatutzaren jardunarekin loturirik ez daukaten beste-lako lanbidetan aritzen direlako.

Bizkaiko Abokatuen Elkargoko abokatuen %75ek 42 urte baino gutxiago dituzte eta horietatik %45ek, oster, 25 eta 32 urte bitartean. Horretaz gain, aipagarria da hamar abokatutik zazpi gizonezkoak direla eta hiru emakumezkoak. Azken hamar urteetan, urtero 350en bat abokatu berrik eman du izena Elkargoan.

Hilaren 12ko hauteskundeak Abokatuen Elkargoak Bilbon duen egoitzan egingo dira, eta abokatuak goizeko 9:00etatik



Pedro Olabarri, bere hautagai zerrendako bi kideekin atzo.

XOUSE SIMAL

arratsaldeko 19:00ak arte bozkatu ahal izango dute. Hautagai zerrendak irekiak izango dira, eta abokatuak zerrenda ezberdinetako hautagaiak bozkatu ahal izango dituzte. Egun berean eza-

gutuko dira Gobernu Batzarreko kide berriak.

Pedro Olabarrik, hautagaiko batek, bere hautagai zerrenda eta programa aurkeztu zituen atzo. X